

Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առևտ նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ԱՐԵՎԱԿՆԵՐԸ



1927

89/39	A	6109	1703
-75			
42471124			
Կամաչիստ Հանգստ.			
ավարիս			
8/8/20			1703
16/11/20			1703
7/12/20/12/20			1703

Opus (- 1917-29) ~~Weniger~~
(Yerhney).

ԱԶԱՏ ՎԵՇՈՒՆԻ

891.09

Վ75

ԱՐԵՎԵԼՔԸ
ՀՈՒՐ Ե ՀԻՄԱ

Ա-11
3957

*



ՀՐԱՑԱՐԱԿՈՒԹՅՈՒՆ

Հ. Ս. Խ. Մ.-ի ժողովուրդների հրատարակչության հյուսվային
կովկասի Յերկրագիրն Բաժնի

1927—ՌՈՍՍՈՎ

КРАЙЛИТ № 83 - РОСТОВ-ДОН.
Издательство „Севкавиздат“
Заказ № 4994. Тираж 2000 экз.



ए न ए स उ स २ प स उ ग

Ն Ա Խ Ե Ր Գ

1

Խորասանու խաս խալու պես՝ հաղար գույնով փռվել ես դու,
Շող ու շաֆրան, ալ ու նարինչ, վոսկեյերանդ, ջան Արևելք:
Իմ արեգիր ու արնագույն նոր զբքումը գրվել ես դու,
Իմ յերգի շունչ, իմ հոգու հույզ, իմ կյանքի լույս, ջան Արևելք:

Արտումդ ջերմ՝ քանի՛ լավա, քանի՛ արե, քանի՛ կրակ,
Արևածին, արևամայր, արևաշող, ջան Արևելք:
Հողումդ հուր՝ քանի՛ խորհուրդ, արնոտ զբքի քանի՛ պլրակ,
Դու նոր դարու հսկա շայիր, դու մեծ հանճար, ջան Արևելք:

Դիշերների դու վառվառ ջահ, ջան ու ջահել, ջիվան ես դու,
Դու կարմրաբաշ արու ծնող, խոր յերկունքով, ջան Արևելք:
Խոր վերգերի ու հեվքերի, նոր յերգերի դիվան ես դու,
Հաղար տաղով, հաղար խաղով, շող ու շաղով, ջան Արևելք:

Ցես քո վորդին—պոետը քո, բարձր ու հաղարա գնվքոյ յերգեմ,
Հըե կառքով, կարմիր վառքով, բարձրաթոփչք, ջան Արևելք:
Ցես քո տիտան ու շառաչող մեծ պայքարի թնվքը յերգեմ,
Առյուծաբաշ, հաղթ ու կրքոտ, իմ գովական, ջան Արևելք:

2

Հերժ,
Արևելքի մոնչացնղ ալամ,
Սալամ քեզ:

Այն սվ ե,
Վոր ինձ ձայնում ե.
— Յերգիր:

Այն սվ ե,
Վոր հազարհունչ ձայնով ե.—
Ալին,
Ցան-Ցին,
Հակոն,
Հասան,—
Նոր մարդը—մասսան:
Բանվոր մասսան—ալամ:
Նոր մարդուն—ալամին՝
Սալամ:

Հերժ,
Արևելքի մոնչացնղ ալամ,
Հուզեցիր ինձ:
Ուզեցիր վոր յերգես՝ քեզ:

Հեյ,
Արևելքի մոնչացնղ ալամ,
Պայքարիդ ծփանքը տեսել եմ,
Յես ել եմ,
Յես ել եմ ծափում:

Արևելք,
Քեզ ցանցում են զույգ յերկաթագծերը.
Ուղտապան ծերը կը մեռնի,
Մեռնի թող:

Լոնդոնի վոսկեհորթը չգիտե՞,
Վոր վորքան ցանցում ե քեզ,
Այնքան ցնցում ե քեզ,
Վոր վաղը ցնծաս դու...

Քո շոգեկանչին վաղվա,
Քո զորականչին վաղվա,
Քո լուսաբացին վաղվա—
Նվեր իմ դալամը:

Հեյ,
Արևելքի մոնչացնղ ալամ,
Սալամ քեզ:

3.

Սալամ ալեք քում, Արևելք,
 Քո նոր շայիբից բարե՛ քեզ.
 Նորից ու նորից ու նորից
 Հրաշունչ յերգեր, արե՛ քեզ:

ԶԵ վոր վորդիդ եմ—քո ցեղեն,
 Բոցեղեն մայր իմ Արևելք,
 Ցերեկ՝ դու գերի կուռքերի,
 Այսոր՝ շառաչնդ Արևելք:

Վորպես ցունց, ծփանք ու ցասում—
 Ասում եմ յերգեր զարթոնքիդ.
 Ու թող աշխարհի հինգ մասում
 Գովքդ դողանջի, Արևելք:

Սալամ վաղվա վառ որելիդ.
 Սալամ պայքարիդ հրեղեն.
 Սալամ մարտնչող նորերիդ.
 Սալամ քեզ նորից ու նորից:

Սալամ ալեք քում, Արևելք:

ବୁଦ୍ଧିମତ୍ତା

1918—ପାଠୀକା

1

Իմ յերգը ցնորք ու յերազական չի.
 Իմ յերգը նըրահյուս ու նազական չի.
 Սույթանի դիվանին նա սազական չի:

Յերգերս հյուղերումն եմ ուսել յես.
 Հաղար հուր սրտերիցն եմ հյուսել յես.
 Շանթերի շողոցովն եմ լուսել յես:

Իմ շարած բառերի մեջ մուգ արյուն կա.
 Յեվ գալիք հաղթանակ ու գարուն կա.
 Բարձրականչ, համարձակ եմ խոսում յես:

Իմ յերգում հորձանքներ ու հողմեր կան.
 Ու զարթնող աշխարհի չորս կողմեր կան.
 Մըրափած մըրիկներն եմ հուզում յես:

Զարդում եմ աշխարհը հինով լի.
 Փարչերը քնաբեր գինով լի.
 Յերգովս ձեր սրտումն եմ հոսում յես:

Ե՞ր, յերգ իմ, աշխարհը մեծ դիվանդ ե.
 Դիվանը թող լսի քեզ, վոր հիվանդ ե.
 Աշխարհի վողջությունն եմ ուզում յես:

Իմ յերգը ցնորք ու յերազական չի.
Իմ յերգը նրբահույս ու նազական չի.
Վոսկեզոծ դահլիճին նա սազական չի:

2

Այս գարունը զյուլիստանին ի՞նչ:
Այս գարունը վարդի գովքին չի:
Ցարն ու գինին այժմ հորանջեն թող:
Այս գարունը սիրո թովքին չի:

Խայամը վարդի յերգիչ ե,
Իսկ այսոր պայքարի կանչ կա:
Պայքարումը վարդի յերգն ի՞նչ ե,
Հաֆըզի գինու յերգերը,
Արևելք, քեզ համար քիչ ե...

Հիմի
Շաշ են չորս գետերդ:
Հիմի
Ծուփ ես դու,
Ծփանք ես:
Հիմի
Շանթ ե բաց յեթերդ,
Արևելք,
Իմ յերկիր:

Արևելք,
Արնոտ յերկիր իմ,
Ու քանի՛ անզամ քեզ մորթել են...
Այսոր
Արար ու վարար ես.
Այսոր
Հույզերդ հորդել են...

Յաքիրի յերգելը չկան ել:
 Հիմի հորձանք ու փորցանք ես:
 Անա լուսմ եմ կռվի կանչերդ:

Կրծքումդ մրրկահունչ զողանջ կա:
 Դողանջդ լսող հազար ականջ կա:
 Ըմբոստ հողիների զորականչ կա,
 Արևելք,
 Խմ յերկիր:

3

Արևելքը
 Հնուր ե
 Հիմա.
 Հին
 Ու
 Հինա
 Զի:

Արևելքի կրծքին հիմա—
 Փողել ենք խոր պայթող մինա...
 Արևելքը
 Հնուր ե
 Հիմա.
 Հին
 Ու
 Հինա
 Զի:

Ե՛յ,
 Մուեզզին,
 Մինարայից ուր ես կանչում.
 Զուր ես կանչում.
 —Ալլահ եքբանամար,
 Ալլահ եքբանամար:



H-3954

Այժմ
 կանչը քո՞
 Մեր հուր հոգին
 Հուզողը չի.
 Աղոթքներում սուզողը չի.
 Հաշիշ ծխել ուզողը չի...

Արևելքը
 Հուր
 Հիմա
 Հին
 Ու
 Հինա
 Զի:

4

Լովիք,
 Իմ ընկեր,
 Հորանջող ու դանդաղ քայլերով
 Մի քայլեր,
 Մի քայլեր:

Աշխարհում
 Ուզտերի կարավան ել չկա:
 Աշխարհը հիմի
 Վազք ե,
 Վազք ե:
 Իսկ դու,
 իմ ընկեր,
 Հորանջող ու դանդաղ քայլերով
 Մի քայլեր,
 Մի քայլեր:

Հիմի

Անապատներումն ել Շաբքի

Ուղարքի յերազուն կարավան

ել չկա:

Հիմի

Բոմպեյի բազարում յեռուն՝

Ֆեյազի իշուն գին տվող

ել չկա:

Նա հնացել ե,

Մնացել ե,

Անցել ե...

Արգեն

Խուլ են,

Խարխուլ են

Ճախարակները փայտաշեն:

Լքված գազգահը —

Բեռնակը պես ծերուկ՝

Սդում ե իր որն անճար:

Լսում ես ճիշը, —

Շողեկարավանն ե թռչում:

Հիմի նրա յերգն ե հնչում:

Աշխարհը նրա նման

Վաղք ե,

Վաղք ե:

Հզոր յերկաթն ե զըրընգում

Մեր փողոցում,

Ձեր փողոցում,

Աշխարհ — փողոցումը մեկ:

Հնչում ե յերկաթը հոգի առած,

Թոփչը ե ու շառաչ:

Մըսոտ քազուկներն են,
 Վոր հըսում են նրան
 Առաջ,
 Առաջ,
 Առաջ...

Լսիր,
 Իմ ընկեր,
 Իսկ գուշ
 Հորանչաղ ու դանդաղ քայլերով
 Մի քայլիր,
 Մի քայլիր:

5

Քթախոտ վաճառող դուքանչի Զաֆարը
 Ասի թող.
 — Աշխարհը քթիս տակն ե միայն:

Իսկ գուշ,
 Իմ ընկեր,
 Լսիր,
 Աշխարհը մեծ ե,
 Մեծ ե
 Ու մեկը
 Շար շար ողակների շաղկապված
 Մի շղթա:
 Ու նա
 Մի նոր և լուսե հեքյաթ ունի,
 Վորը հյուսել են
 Ու լուսել են
 Զարքաշ,
 Մըսոտ
 Ցեղ յերկաթին շունչ տվող մարդիկ...

Ասում ես.

— Ո՞ւր, սուր են նրանք:

Նայիր յերկնքին,
Սահմանն ի՞նչ,
Նա մեծ է,
Մեկ ու լայն
Այստեղ
Աստղերն են շողում
Շարք-շարք,
Խումբ-խումբ,
Հանուր:

Ասում ես.

— Ո՞ւր, սուր են նրանք:

Ամենուր են:

Ճիշտ այդպես,
Ճիշտ այդպես,
Ազիարհի վրա փռված
Բյուր են,
Հանուր են,
Ամենուր են,
Զեղն ի՞նչ,
Սպիտակ,
Սկ
Կամ գեղինն ի՞նչ,
Ամենուր են:

6

Սազանդար,
 Սազանդար,
 Ե՛յ,
 Զայնը
 Զընդշընդան չունդուրիդ
 Կանչ չունի,
 Զափ չունի',
 Զի՛ լսվում,
 Թուլլ ե՛:
 Կուեն յերգերը չունդուրիդ լացկան:
 Զի՛ հուզի,
 Ել չի՛ հուզի
 Չունդուրիդ ճիշը մեզ:
 Միրտը տիտան տիյեզերքի
 Զի՛ ուզի,
 Ել չի՛ ուզի
 Հին յերգդ հեզ...

Հողաշխարհում
 Հիմի
 Հանուր,
 Ամուր,
 Մեկանց
 Շեփորում են շեփորները պղնձաշեն,
 Շեփորում են
 Խորականչ,
 Նորականչ:
 Բազմաշեփոր են շեփորում
 Հզորականչ,
 Զորականչ...

Միլիոն բրոնզե բռունցքները
 Քսան փափուկ ձեռների դեմ
 Զորականչ...

Հիմի
 Յերկիբը յերկնում ե.
 Հուզանք
 Ու զանդ,
 Յերկունք ե մեծ,—
 Վոր գալարվի,
 Վոր գալարվի,
 Այսոր ու վաղը գալարվի,
 Վոր բարձր ճչա,
 Հեղին,
 Ծնի
 Պողպատակուռ անիվսերի,
 Ելեքտրավառ հանճարների,
 Բրոնզակուռ ղեկավարը...

7

Ահա,
 Աշխարհը վանդք ե,
 Վանդք ե,
 Յեվ յես հսկա վագքերի,
 Հանդուդն խոյանքների յերգն եմ կանչում,
 Յերգս մըրկականչ ե...

Հսմամ ես,
 Ըսկեր իմ,
 Ծանոթ,
 Անծանոթ,
 Յեվ ու սպիտակ կամ դեղին,
 Բուր ես
 Բուր վոր կաս,
 Բուր վոր ես,

Ով կոր ես,
Լսիր,
Հորաննջող ու դանդաղ քայլերով
Մի քայլիր,
Մի քայլիր...



Ա Տ Ա Մ Բ Ո Ւ Լ

Բ Ո Ս Պ Ե Յ

ՀԱՐԵՄԻՑ ԴՈՒՐՍ

ՍՏԱՄԲՈՒԼ

Ստամբուլը մի փաշա յեր յերեկ,
 Անունը—Ռսման կամ Ավո:
 Յերկու ծովերի արանքում
 Փռել և նաշխուն մի խալի:
 Յեվ ծալապատիկ, ծույլ նստած—
 Թաշում եր համբիչը մարջանի:
 Ծխում եր նարգիլեն թամբաքով,
 Շոյում եր մորուքը յերջանիկ:
 Խմում եր կում-կում ու հանգով
 Խահվե՝ ֆարֆուրե ֆինջանից:

Ստամբուլը մի խալիֆ եր խոժոռ—
 Մահմեդի ցեղեցը սերված,
 Կախված ցից բեղիցն ալլահի:
 Ուզեր՝ կդատեր զյավուրին,
 Ուզեր՝ կհանձներ զասարին.
 Ուզեր՝ կթամբեր ջորու պես,
 Վոր մեջքիդ նստած ծանրախոն՝
 Ալլահին նամազ ուղարկեր:

Ստամբուլը յերեկ «ջանըմ» եր,—
 Հանըմ՝ եր սիրում, սեվաչյա՝
 Կանգնած աշխարհի մելքանում:
 Շատերին իր տունն եր տանում,
 Բանում եր կուրծքն իր ճերմակ,
 Կամ վերմակը մահճի կակուղ...

Շատերին փալ եր բաց անում,
Ցանում ե բաղդ, ժպիտ ու հարրանք.
Ծախում ե աճուրդով եժան
Թալիսման, համբույր ու տարփանք...

Ստամբուլը մի բարձ եր բումբուլ:
Նիրվանա: Հաշիչ: Որորանք:
Մահով-մահիկով մինարա:
Համամ եր թամամ ու շամամ:
Շարբաթ եր: Շամպայն ու շանտան:
Բանկիրը վճր տեղի ու ցեղի
Չգիտեր շանտանի այն ճամբան:
Բանկիրը վճր տեղի կամ ցեղի
Չի հարբել այն շքեղ շանտանում:
Վճր լորդը թևանցուկ չեր տանում
Ստամբուլ հանըմին տաք բաղնիք...

Յերեկ եր:
Սթամբուլ—հնում:
Քնում եր:
Մնում եր խոր քնած...
Այդ հինը հնումն ե,
Քնումն ե:
Յերեկ եր,
Վոր չկա,
Վոր գնաց...

Բ Ո Մ Պ Ե Յ

ԵՇ,
ԲՌԱՋԱՂԵՇ,
ԲՌԱՋԲ ԵՍ ՊՈւ:

Հին Հինդի սրառում՝
Դնում—գնում—գնում
Բնմբ ԵՍ ՊՈւ,
ԵՇ,
ԲՌԱՋԱՂԵՇ:

ԹԵ թափով թնդաս ՊՈւ—
Լափող բոցերիդ դիմացողն ՞Վ:

ԹԵ թնդաս ՊՈւ թափով—
Դավերն ու ավերը,
Ճավերը դառն
Կդառնան թնդ.
ԵՇ,
ԲՌԱՋԱՂԵՇ:

Ալոքեն,
Ալոքեն,
Ալոքեն,
Վառվում են պատրույգներդ բոմբի...

Կրակ են առել
Վառվել են
Պատրույգներդ բոմբի...

Պատրույգիդ կրակ տվողը՝ շատ...—

Ծովափիդ շարք շարված
Ծովեթոք նավերիդ մատրոսները.
Ծովեվազ քարվանիդ մեքենավարը.
Ծխաններիդ ծուխ ավող բանվորը,
Վերն ասեմ,
Վերը,
Ե՛յ,
Բնմպեյ:

Լորդն ու սահիբը—
Տերերդ ոձ,
Վորոնք խոց են տվել քեզ,
Պիտի սողան,
Դողան պիտի
Կրունկի տակը 300,000,000-ի:

300,000,000-ի սրտում
Դում—դում—դում
Պիտի թնդաս դու.
Պիտի թնդաս,
Վորոտաս
Ու տաս
Հին Հինդին
Արև,
Ե՛յ,
Դու բնմբ,
Բնմպեյ:

Կը լինի,
Կը լինի այդպես,
Վես թումպեց:

Գալիք ոմբազոռ որեղիդ համար,
Գալիք ամբակուռ նորեղիդ համար,
300,000,000-ի տոնի համար
Ծնմբաձիդ յերգ եմ պահել,
Ե՛յ,
Թու բնմբ,
Բնմպեց,
✓ Լինինի յերկրից կարմիր սալամ քեզ:

ՀԱՐԵՄԻՑ ԴՈՒՐՍ

Հարեմից դուրս փախչող հարճի պես դեռահաս՝
կարոտ վառ կյանքին ու սերին,—
Ամպերի արանքից լուսինը դուրս սողաց,
Մազերը ցանցիր ուսերին:

Համարձակ քայլում ե կապուտակ յերկնքից՝
Դեպի հեռուներն արեմ.
Ու ճամբին աստղերը՝ ջանելներ շրջմոլիկ՝
Շարքով կանգնել են բարեմ:

Ո՞, վորքա՞ն ե տանջվել ամպահույս քողի տակ,
Տանջվել հարեմի յեսիրում.
Ասոնմ ե փաղաքշանքն ստրուկի, իշխողի.
Միայն արեին ե սիրում:

Սիրում ե նա միայն արեին աշխատող՝
Ինչպես մի բանվոր տիտանի.
Սիրում ե նա միայն արեի սերը հուր,
Սերը աշխարհին պիտանի...

Թողագերծ ու հպարտ, հարեմից դուրս փախած,
կարոտ արեին ու սերին.
Կապուտակ յերկնքից լուսինը քայլում ե,
Մազերը ցանցիր ուսերին:

ԼԱՍՏԱՆԱՎՈՐԴՆԵՐ

1919—ԹԻՖԼԻՍ

Խմ Լաստ,
Դողալով մի գնա,
Շողալով,
Լողալով գնա:
Մի դողա:
Դողալը
Լքվածների և թույլերի համար ե:
Յես ու դու
Միասին
Մեր ճակատագիրն ենք դարբնում:
Ով կասի մեզ,
Վոր յես ու դու հիմարներ ենք:

Հեյ, հեյ,
Լաստ ձգել եմ ջրերի վրա
Ու ինձ տանում ե:
Բախտու
Անհայտ ճակատագրին չեմ հանձնի:

Բռնել եմ ձեռներումս ամուր
Թիյերը զույգ:
Ու վարում եմ առաջ
Իմ լաստն ու բախտը,—
Իմ ճակատագրը:

Լաստ
Հորդ գետերի վրա
Ինձ տանում ե հեռուն:

Լաստու տանում ե ինձ
Դեպի ովկյանն անծայր,
Ուր թափում են
Աշխարհի գետերը բոլոր,
Աշխարհի քրտինքը բոլոր...

Հիմի,
Այս ժամին,
Դրտեմ,
Բոլոր գետերի վրա,
Վոր փռվել են աշխարհում, —
Շողում,
Լողում են
Լաստանավեր հազար հազար...
Լողում են առաջ
Լողորներ միլիոն ու կրկին միլիոն...

Նրանք,
Վոր ուժ ունեն
Բազուկներում իրենց
Յեվ հոգիներում քեն.
Նրանք,
Վոր գիտեն շարժել թիւերն իրենց
Ճարպիկ ու քաշ, —
Հիմի,
Այս ժամին,
Բոլմբը, բոլմբը,
Ամենուր
Շողում են առաջ,
Լողում են առաջ,
Դեպի
Քրտնողների
Անծայրածիր
Ու մըրկվող ովկյանը...

Վերջ չկա,
Ծայր չկա
Ու համբանք՝
Շարժվող լողվորների,
Լաստանավերի:

Յեզ ամեն մի լաստանավ
Բեռնած հակերով ցասում,
Ամբարած լախտահար բռունցք,—
Շողում ե,
Լողնւմ,
Վոր հասնի մի որ
Հոկա ովկիանին...

Յեզ այն ժամանակ
Վայ ջրշուններին,
Ջրագայլերին,
Վորոնց կզակները կզգան
Հարվածները շառաչող թիերի...

Հեյ, հեյ,
Լաստա ջրերի վրա յեմ ձգել:

Ու համբան դիտեմ յես,
Այնպես,
Ինչպես դիտե
Բանակի հրամանատարը
Բազմագծերը թշնամու:

Յեզ
Մթին գիշերում
Լսնւմ եմ, լսնւմ եմ
Հեռավոր գետերի վրա շողացող,

Լողացող
 իմ յեղբայրների,
 իմ սրտակիցների,
 իմ ընկերների
 Շաշող թիերի դարկը
 Պղտոր ջրերի կրծքին,—
 իմ ընկերների,
 Վորոնք
 Գալիս են, գալիս են, դալիս
 Զուլվելու հուզված սրտին
 Մեծ ովկյանի...

-*-

Յ Ա Վ Ը

1922—ՑԵՐԵՎԱՐՆ

Աֆիոնսով մի թմբիր—թե տանջվում ես:
Հաշիշով մի քնիր, յեղբայր իմ...

Ասում ես—
Պղանը ե կյանքի ծովը:

Լինի՛ թող:

Իսկ դու—
Պառկել ես ծովափին:

Մովագի յերազիցը քո շահն լինչ...
Ավագի վրա ծովափնյա
Անշոնչ գիտեներ փովեն թող...

Տես,
Անծիր ծովը
Հորձանք
Ու փորձանք ե:

Ասում ես—
Մահն ե քրքջում հորձանքում:

Լինի՛ թող:

Պայքարի բերկանքին ծանծի՛ ես,
Ցերք կուրծքդ ուռչնում ե,

Թուչնում ե...
 Յերբ բաղուկ զույգ
 Ճեղքում ե վայրագ ալիքը...

Լավ ե, ո, լավ ե մեռնես հորձանքում,
 Քան թե ծովափին ձգված
 Ծանր ու ծույլ անըջես....

Աֆիոնով մի՛ թմրիր—թե տանջվում ես:
 Հաշիշով մի՛ քնիր, յեղբայր իմ...

Ծածուկ ծմակից ու ծերպից,
 Ծանոթ անծանոթ ձորերից—
 Վասակներ վարար,
 Առուներ հոսուն,
 Գետեր փրփրաբաշ,
 Ջրվեժներ շաշող՝
 Մեկ մեկ ու մեկ մեկ
 Գալիս են, գալիս
 Հսկա աշխարհի լայն բացաստանում,
 Իրար են ձուլվում ծափ ու ծփանքով
 Ու շառաչում են հուժկու,
 Միասին...

Թեվլիցդ բռնեմ,
 Վեր կաց,
 Դեպի ծով:

Անգլո-Պարսկական նավթը նկերության
 Փայտե՞րն ես դու,
 Գուցե
 Հեջազի խալիք Հյուսեյնի վորդի՞ն ես անհոգ.
 Միթե Բաղդադի Շարիֆի վոսկին
 Բոլորը քո՞նն ե...

Շարիֆի բեռնատար ուղարերի քարվանը
 Զդվում ե
 Բաղդադից
 Կասր Շիրին,
 Թիրմանշահից
 Մինչև Թեհրան,
 Բասրայից
 Մինչ Բեյրութ:
 Իսկ դու...
 Վեր կաց,
 Յեղբայր իմ,
 Յետեղ մի նայիր...
 Ի՞նչ ես տատանվում,
 Ափսոսանքի ի՞նչ ունես,
 Վոչի՞նչ,
 Վոչի՞նչ,
 Ուրեմն
 Դեպ ծովը ծփուն...

Հաջիշ Ալինի թող հոգիդ,
 Վոռնացող հովազ լինի թող՝
 Սուր սուր
 Ու հոշտող ժանիքներով:
 Սիրտգ աֆիոնով որորվողը չէ,
 Վորոտացող ամպրով լինի թող՝
 Վառ վառ
 Ու հրկիզող շանթերով...

Թեղ խարազանել են կոպտաբար...
 Վոռներիդ վրա շվետաների վերքերը
 Խորն են դեռ...
 Դու զույդ մի բազուկ ունես
 Յեկ ուրիշ վոչինչ,
 Վոչի՞նչ...

Ուրեմն,
ի՞մ յեղբայրն ես դու,
Յես—ընկերը քո...

Վեր,
Թեկիցդ բռնեմ,
Դեպի ծովը ծփուն...

Աֆիոնով մի թմրիր—թե տանջվում ես.
Հաշիշով մի քնիր, յեղբայր իմ...



Դ Ր Ա Խ Տ

1922--ՑԵՐԵՎԱՆԸ

Ուրբամթ որը,
Խալիք ֆաթիհի մզկիթում,
Ծերուկ իմամը
Մարդարեյի գիրքն ե կարդում։

Հավատացյալները
Լսում են նրան անշշուկ,
Ու ջերմեռանդ շարժում են
Իրենց զլուխները ծանրաբեռ։

Իմամը կարիք չունի
Թերահավատ ունկընդիրների,
Իմամը կարիք չունի
Իմաստուն մարդկանց։
Ո՞վ ե այն հիմարը,
Վոր ասի նրան.
— Ուղիղ չես կարդում։
Կամ
— Սուտ ե, սուտ ե...»

Իմամը առատաձեռն ե,
Ամենքին տեղ ե տալիս
Հանդերձյալ աշխարհի
Ցերանավետ դրախտում։—
Ուր
Հուրիներն ու փերիները պես-պես,

Սպիտակ,
Խարայաշ
Կամ սեաչվի—
Շոյեն պիտի քնքշորեն
Զրկիր ֆեյզուլլահի մորուքը:
Կամ
Իմ հարևան սոված Ռմարի կմախքացած մարմին
Պիտի փարվի
Զանսաթի աղջիկների սիրուններից սիրունը կրքոս:

Դրախտումը—
Ռոր,
Վայելք,
Հեշտանք
Ու հրաշք կա,—
Հազար ու մեկ գիշերների
Հեքյաթը դյութական,
Հարբանք,
Տարփանք,
Ու սեր,
Մեր
Կնոջ մարմինի պես տաքնուկ:

Այնտեղ
Անուշավետ բույրերը գգվեն պիտի
Ախոռապան խեղճ ֆելլահի քիթը...

Այնտեղ
Մետաքս շապիկը վոսկեծոալ
Ծածկի պիտի
Մուրացկան Ռահիմի մարմինը մերկ...

Լսում են
Հավատացյալները

խոստումը մարդարեյի,
 Վոր հնչում ե
 Ծերուկի իմամի բերնով։
 Նրանք,
 Վոր կյանքում ջերմություն չեն տեսել,
 Նրանք,
 Վոր ցնցոտիներ ունեն իրենց հագին, —
 Ինչպես ափիոնով հարբած՝
 Բնկնում են
 Ցերաղանքի գիրկը հեշտորոր,
 Ասես
 Հենց տեղն ու տեղ
 Զաննաթի այգումն են նստած։

Հանկարծ,
 Հանկարծ
 Մդկիթում
 Մի խրոխտ ձայն ե հնչում։

Մի մարդ աղոթողներից՝
 Կանչում ե.
 — Լսեք, լսեք, եյ,
 Իմամի բերանովը
 Ճշմարտությունն ե խոսում։

Այսպես
 Ինչպես նա յե պատմում
 Դրախտի մասին,
 Վոր դուք տեսնելու յեք
 Հանգեցյալ կյանքում,
 Ճիշտ այսպես մի դրախտ
 Տեսել եմ յես
 Աշխարհի վրա։

Այստեղ,
 Մեր քաղաքում,—
 Ուր
 Մուրացկանների,
 Արտասվողների,
 Աշխատողների
 Ու գրկածների թիվը—
 Անթիվ ե.
 Այստեղ,
 Մեր քաղաքում,
 Ել Մաշնուր փողոցի վրա
 Բարձրանում ե պալատը մարմարակերտ
 Խալիֆ Ֆաթիհի:

Ճիշտ այնպես,
 Ինչպես իմանն ե պատմում
 Անծանոթ դրախտի մասին,
 Խալիֆ Ֆաթիհի պալատն ե մեր քաղաքում:

Յեվ յես,
 Վոր վարձու պահապահնն եմ այն պալատի—
 Մի ստրուկ ծառա;
 Այ,
 Այս զույգ աչքովս տեսել եմ
 Հազար անգամ—
 Թե ինչպես
 Գեղամարմին հուրի-փերիներ՝
 Վոսկեզոծ դահլիճումը պալատի,
 Յատկելով ծնկներին խալիֆի
 Գալարվում են
 Ճկուն,
 Ջերմ,
 Ոճաղալար
 Մարմիններով.
 Ու փաղաքշում,

Շոյմամ,
Շոյմամ են
Նրա սպիտակ,
Ցից-ցից
Ու ցանցառ մորուքը:

Յես դեռ քսանհինդ տարեկան եմ—
Վարձու պահպանն այն պալատիւ
Յես շոյվել եմ շատ
Հարվածներով տիրոջս մտրակի,
Բայց
Փերիներից և վոչ մեկը
Զշոյեց մորուքիս մի թելն անդամ...

Իմամ,
Իմ հոգին
Չի գնա դրախտը հեռավոր...

Իմամ,
Այս լայն աշխարհի վրա
Դրախտներ շատ կան...

Իմամ
Թող մարակը
Չշոյի իմ վուկորները...

Իմամ,
Թող վաստակած հացս
Սնաբցունք լինի...

Իմամ,
Իմ հոգին
Չի գնա դրախտը հեռավոր...
Այս յերկըում
Դրախտներ կան այնքան շքեղ.

Վորի դռները
Դեռ փակ են շատերի համար...

Այս յերկը գրախտին եմ կարոսում յես:
Իմամ,
Իմ հոգին չի գնա գրախտը հեռավոր...



ԴԵՐՎԻՇՈՅ

1921—ԹԵՂՔԱՆ

Հեռու հեռու հեռուներից մի դարվիշ յեկավ:

Նրա կոշիկների վրա նստել ե գեռ
Հեջաղի արևատապ ավազների փոշին:

Իջել ե նա մեծ սրճատունը քաղաքի, —
Մեծ սրճատունն արաբական,
Վոր բացվում ե
Նեղ ու անշուք մի փողոցի վրա:

Շուրջն են հավաքվել
Բոլոր վոսկրացած,
Սոված,
Քրանող
Յեվ անոթեվան բազմությունները:
Ու նա պատմում ե
Լեյլու և Մեջնունի սիրո մասին, —
Թե ինչպես նրանք սիրեցին,
Սիրեցին իրար
Ու մեռան...

Հեյ,
Բարձ դարվիշ,
Մեզ ի՞նչ լեյլու և Մեջնունի համբույրը:
Մեզ ի՞նչ վարդի ու լոտոսի բույրը:
Մեզ ի՞նչ հուրիների ու փերիների հրապույրը:

Անցել ես դու շա՞տ ու շա՞տ յերկըներ,
Շրջել ես Գանգեսի ափերը ձիգ:
Իրաքի հարթավայրն արևոտ:
Տեսել ես գրկախառնումը Տիգրիսի ու Յեփրատի:

Հեյ,
Բաբա դարվիշ,
Դու մեզ ուրիշ խոսք ասա:

Պատմիր մեզ Գանգեսի հառաչի ու շառաչի մասին,
Տիգրիսի ու Յեփրատի արյունոտ որերի մասին,
Արեւքի անարև մարդկանց մասին,
Հեռավոր աշխարհների փոթորկվող սրտերի մասին...

Հեյ,
Բաբա դարվիշ,
Դու մեզ ուրիշ խոսք ասա:

Նեղոսը, Տիգրիսն ու Գանգեսը՝ բաղդընկերներ են:—
Յերեքն ել ցասում ունեն ու ճիչ...

Հեյ,
Բաբա դարվիշ,
Դու մեզ պատմիր այն տեղերի մասին,
Ուր վորքան, վորքան շղթայվածներ կան
Կյանքի ու մահվան մեջ զալարվող...

Հիմի,
Լեյլու և Մեջնունի յերկումն իսկ,
Ուր սերը եժան ե այնքան,
Վոր կպչում ե մարդկանց վոտներին,—
Ո՞վ սիրտ ունի սեր ու տարփանք տեսչալու...
Բոմպեյի ծովափներում,
Մանիդայի ու Փենջապի բացուաներում—
Հիմի
Զարքաշ, գրաստված ու մոլեգնող մարդկանց սրտերում՝

Սիրն ե բացել իր շուշանները,
թե՛ վրեժի,
Յասման
Ու ազատության վորոտացող ամպրոպ կա...

Իսկ այստեղ,—
Մեր յերկրում,
Ուր յերեմն դահիճ փարավորներն են իշխել,
(Հիմի ել գեռ կան, գեռ կան)
Մերը սիրող իմաստակ չես գտնի
Խրճիթներում կծկվող մանդկանց մեջ...

ՀԵՅ,
Բարձ դարվիշ,
Դու մեղ ուրիշ խոսք ասա:

Մեր չլինի թող քո խոսքը,
Խինդ չլինի թող.
Թուն չլինի թող քո խոսքը
Յեվ վոչ ել հաշիշ:
Դու մեղ ուրիշ խոսք ասա:
Կրակ ու հրեղեն խոսք ասա:

Յեվ տես թե ինչպես
Հազար ու հազար մարդիկ
Կաստղի խրխինջ կարձակեն—
Ինչպես ազնիվ նժույգը արար բեդվինի,
Վոր պատրաստվում ե արշավի:

Յեվ յերբ դառնաս զու կրկին
Դեպի Հեղաղ ու Փենջարը
Ու քայլես դարձյալ յերկրից յերկիր,
Հեռաւ ու հեռաւ տեղեր—
Շուրջու համաքիր մուրի և մըուրի մարդկանց
Ու յերգիր նըանց
Խընջացող ու հրաթուիչք նժույգների յերգը,—

Հմբոստ նժույզներ,
 Վորոնք այսոր կամ վաղ լուսաբացին
 Արշավեն պիտի Վիշապների Դեղին Արքայի դեմ...

Ասա
 Վոր Լեյլու և Մեջնունի սիրո հեքյաթը
 Հնացել ե...

Պատմիր նրանց
 Խրինջացող նժույզների մասին,—
 Վորոնք
 Իրենց պողպատյա սմբակներովն արդեն
 Արագ,
 Ամուր
 Հանուր աշխարհի գետինն են տոփում...



ՅԵՐԿՈՒՅԵՐ

1921—ԹԵՇՎԱՐԻՆ

1

Զեմիլե,
 Մետաքս ու շղարշ շորերով
 Կշորոքաս դու:
 Գունատ ու մերկ մարդիկ դործեցին
 Մետաքսն ու շղարշը քո:

Անսեր աղջիկներ
 Դիշեր ու ցերեկ,
 Յերեկ ու գիշեր
 Նատած անքուն,—
 Կարեցին,
 Կարեցին,
 Կարեցին,
 Կարեցին
 Բրենց մատներովը մոմե...

Վզիդ մարդարտե շար ես կապել:
 Մարդարիտներով
 Հատիկ, հատիկ,
 Վորբերի այտերից վար թափվող
 Արցունքների պես—
 Հատիկ, հատիկ...

Զարդարել ես
 Բազուկներդ անաշխատ

Ապարան ջաններով վոսկեղեն,—
Ում՝ քրտինքն եւ այս,
Զեմիլե:

Զի՞ ճշում նըբանագ մեջքը քո,
Զի՞ սեղմում մեջքդ ալմաստե գոտին,—
Իր վորդուն թաղող
Մոր բազուկների նման...

Մեր քաղաքի
Սիրունն ես դու—ասում են:
Զեմիլե:
Մեր քաղաքի
Գարունն ես դու—ասում են:

Սիրունը
Սուլթանին միայն սկիտի,—ով ասաց:
Գարունը
Վոսկով են դնում միայն,—ով ասաց:

Զամիլե,
Վանդակումն եւ փակել քեզ
Քո տերը:
Վոսկով եւ դնել քեզանից
Քո սերը:

Դուքսը
Ազատ տշխարհ կա,
Գիտես դու...

Գոնե
Մի որ
Արևի շողը տեսել ես,
Նոր կյանքի ծփանքը լսել ես...

Զեմիլե,
Վանդակումն ե փակել քեզ
Քո տերը...

Զահելները մեր քաղաքի
Ցերպվում են
Վոր դու փերին ես փերիների—
Զաննաթից փախած:
Մեր քաղաքի ջահելներն ազնվացեղ
Պալատիդ դուան առաջ թափառում են
Վորսկան շների պես—
Քեզ համար:

Դռւ

Ծերուկ սուլթանին
Համբույր տուր,
Փոխարեն ալմաստ ու հակինթ առ...
Ցեղ հետո
Թառամիր,
Ինչպես նարգիզն ե թառամում
Զուրկ շողերիցը շեմսի...

Զահելները մեղկ մեր քաղքի՝
Վորսկան շների պես
Հոտոտան թող,
Զեմիլե,
Փոշիները պալատիդ դուան:
Թող հոտոտան
Այսոր,
Վաղ
Ու հետո՝
Կղնան նրանք
Նեղ փողոցի այն յերկնարկանի տունը,

Ուր գեր
Ու վախկամիս աղջիկներ
Չնչին արժեքով
Ճնորք
Ու սեր են բաժանում...

Զեմիլե,
Զե վոր դու ել
Վոսկով ես գովում սովորանին...

2

Մի աղջիկ կա:

Մի աղջիկ կա,
Վոր սրտում մաղձ ունի,
Իսկ աչքումը—
Շեմս արև:

Գահիրեյից Ալեքսանդրիա տանող
Ճանապարհի վրա՝
Քարեր ե ջարդում
Յերկաթուղագծի համար:

Արևի տակ
Քրտինքը
Նրա ճակատի վրա ցոլքեր ե տալիս
Շափյուղաների նման:

Քարեր ե ջարդում ու քրքջում ե
Բանվոր քարտաշների հետ:

Նրա կուրծքը վողորդկ ե,
ինչպես տափաստանն իրաքիւ;
Յեզ յերկու գետեր կենսատո—
Յեփրատ ու Տիգրիս՝
Հորդում են
Ու ալեկոծվում այնտեղ...

Արեի աղջիկ ե նա,
Զրկանքը
Բըռնզել ե նրան.
Յեզ նոր աշխարհի մայրությունը
Յեռում ե հոգումը նրա...

Ճանապարհի վրա,
Ամեն որ,
Մարդկային իմաստուն կրօռվ
իրար ենք նայում անամաչ...

Որը մթնում ե:
Լոռւմ ե
Վարիչի մարակի շաչը:
Վերջանում ե աշխատանքը որվա:

Ու մենք—
Յես ու նա,
Ասում ենք իրար հուղված.

— Յեկ,
Աչքիս լույս,
Գնանք ինձ մոտ,
Թրջենք հացը ջրով,
Հնիթը ենք:

Յեկ հետո
 Սիրենք իրար ազատ,
 Արկի պես,
 Հարեմից հեռու,
 Սիրենք իրար աղմկոտ կյանքում՝
 Մարդկային իմաստուն սիրով...

-

ՈՒՂՏ

Նովեմբերի արարք առջևարտավորության

1921—ԲԱԼԴԻԱՍ

Յերեկ,
Անապատումը մեր անսահաման,
Ի՞մ ուղտ,
Ի՞մ սիրելի,
Պարանոցդ վեր պարզած,
Ուզում եյիր շեմս—արել համբուրել...

Յերեկ,
Ովազիսումն ել Սամի,
Ի՞մ սրտակից,
Ի՞մ մտերիմ,
Յես ու գու
Գիշերները
Յերկնքի փերուզատառ գիրքն եյինք կարդում:

Հիշում ես,
Չե,
Վոր յես
Համբուրում եյի քեզ,
Աչքերը քո,
Ի՞մ ընկեր,
Ի՞մ սիրելի:

Իմ աշխատանքի
Ու ճամբաների ընկեր,
Հիշում ես,
Չե,

Վոր քըտինք ելինք թափում յես ու դու,
 Ինձ ու քեզ
 Յեվ ամենքի համար...

Այսոր,
 Պարանոցդ վեր չես բռնում,
 Ինչնւ:

Այսոր,
 Յերթդ՝ մտամոլոր,
 Թայերդ՝ դանդաղ,
 Ինչնւ:

Այսոր,
 Իմ սիրելի,
 Կարոտ չես շեմս—արեխն,
 Ինչնւ:

Այսոր,
 Ով քեզ իւլեց
 Ու բաժանեց ինձանից,
 Ինչնւ,
 Ինչնւ...

Պարանոցդ ծռած,
 Հայացքդ մոլոր ու մութ՝ ավագներին,
 Ում վոտքի հետքն ես վորոնում...

Ինչնւ,
 Սիրելի՛ս,
 Հայացքիդ մեջը թալսիծ կա,
 Անաստղ գիշեր
 Ու բարկություն...

Ոտար վոտների հետքե՞ր կան
 Ավագների վրա...
 ✤ Հարազատներիդ արյան շիթե՞ր կան
 Ավագների վրա...
 Այն վճր ոտարականն եր աղեղնավոր,
 Վոր վոտք գրեց շեկ ավագների վրա...
 ✤ հարազատներիդ արյան շիթե՞ր կան
 Ավագների վրա...

Մեր արեավառ անսապատներում՝
 Այսոր հեռավոր ծովերի խոնավություն կա,
 Ցեվ վոռնոցը հեռավոր ցամաքների...

Մեր անսապատներում ոտարականներ կան —
 Ծովերի հեռավոր ճամբաներով յեկած...
 Յամաքից ցամաք են անցել նրանք,
 Ծովից ծով են անցել
 Ու յեկել ,—
 Ծովերից,
 Ուր ջրշուններն են լողում:
 ✤ Ուր մեր անսապատների բորենիներին միացած՝
 Մարմինդ հոշոտել են ուղում,
 Սիրելիս:

Այն սվ եր,
 Վոր ծանը բեռ դրեց կոնակիդ:

Ի՞նչ,
 Հիմա համբույրիս փոխարեն
 Ոտարներն են քեզ մարակում,
 Սիրելիս:

Պարանոցիդ հովարառությունն սվ կոտրեց:
 Ի՞նչ
 Ոտարներ քեզ գրամսա են կարծում...

Ասմ,
 Սիրելին,
 Իմ քրտինքի,
 Պայքարի,
 Հրճվանքի
 Ու ճամբաների ընկեր,
 Յերբ,
 Յերբ վերջապես
 Թաղես պիտի ավագների տակ
 Ոտարների բեռները ծանր...

Յերբ,
 Յերբ վերջապես
 Պիտի կայծակի հայացքդ մութ...

Յերբ,
 Յերբ վերջապես
 Պիտի սողան բորենիները հայացքիդ մուաշ...

Յերբ,
 Յերբ վերջապես
 Տեսնեմ պիտի
 Պարանոցդ արկին պարզած
 Քո հողմածուփ և շոգեկանչ անտպատճերի մեջ...

Յերբ,
 Յերբ,
 Յերբ,
 Սիրելին:



ԱՐԵՎԵԼՔԻ ՓՈՂՈՑՈՒՄ

1923—ԹԻՖԼԻՍ

Ծերացած,
Վերացած
Ու քնկոտ,
Լայն ջուբբա հազած իմամի նման —
Կանգնած ե մզկիթը հսամյա
Փողոցումն ել Շարքի:

Ինչպես դանկը Հասան-Հուսեյնի
Հողոտված,
Փողոտված,
Խուլ ու խարխուլ —
Կանգնած ե մզկիթը հսամյա
Փողոցումն ել Շարքի:

Մինարան նրա
Ինչպես ծուռ ու ժանդոտ մեխ —
Խրվել ե
Յերենքի կրծքին մոլի:

Հեյ,
Արևելքը
Արևերդ ե հիմի...
Հեյ,
Արևելքը
Բարենբարդ ե հիմի...

Փողոցները
Յեռք ու յերգ են հիմի...
Զայների ցանց,
Հպանք ու ծփանք են հիմի...

Մինարի կոկորդիցը ժույլ՝
Թույլ ե հնչում.
— Լա իւ ալլա՞ա՞ա՞ա՞ն, —
Իմամի կանչը հիմի...

Դեմ առ դեմ մինարի
Արի ծխնելուզն ե կանդուն
Հրձիգ,
Անքուն,
Վերձիգ...

Ուխայ,
Ծխում ե դալյանը շոգեհամ.
Յեվ հավաքած բկում
Սև թուքն ե թքում
Մինարի գանկին լերկ:

Ամեն առավոտ-իրիկուն,
Յերբ նորից ու նորից ու նորից
Իմամ իդրիսը
Հորանջում ե մինարից.
— Ալլամման եքբա՞ա՞ա՞ա՞ա՞ա՞ր: —

Ծխնելույզն ել աժդահա
Ահա սուլում ե սնկը-սնկը.
— Մինարա,
Զնւը,
Զնւը,
Զնւը,

Դուշ-դուշ-դուշ
Փա՛ս ա՛ս ա՛ս ա՛ս ա՛ս ա՛ս
Դուշ-դուշ-դուշ
Ս' :

Յեղ հանկարծ,
Ասես,
Տալիս են մինարին մի կից.
Մեկից խեղզփռմ ե ճիչը կոկորդում:
Իմանն իր կուրծքն ե ծեծում,
Հեծեծում.
— Եստաֆրուլա՛ս ա՛ս ա՛ս ա՛ս ա՛ս ա՛ս ա՛ս ա՛ս հ:

Ահա
Զիլ,
Սուր
Սուրում ե սուրիչը ծխնելույզի:

Հիմի
Ել Շարքի ալամբը շարք-շարք
Զամի գնացողը չի,
Զամում աղոթողը չի...

Հիմի
Ել Շարքի հազարները շարք-շարք
Շարժվում են շտապ
Դեպի շողենամազ,
Դեպի շողենանդես վես...

Արևելքի արևմվառ փողոցում
Կանգնած դեմ դեմի
Դուշման,—
Մինարան քավթառ
Իմամ իդրիսի նման,
Ծխնելույզն աժդահան

ՄԵՐԵՆԱՎԱՐՈ ԶԱՄԻԼԻ ՆՄԱՆ,—

Արևելքի արևվառ փողոցում

Կանգնել են դեմ դեմի

የበረጂምዬና...

Ամեն առավոտ իրիկուն,

ՅԵՐԲ զառանցում ե

Անատամ ծերուկը — մինարան,

Զահել Զամիլը — ծխնելույզը

Զիգրու յերգում ե

Університет.

—Urgs

ΩΠΛ,

డಿ.ಟಿ.

264

የኢት-ጥስት-ጥስት

$\Phi w'w'w'w'w'$

ԲՈՒ-ԴՈՒ-ԴՈՒ

2

Ա Զ Ր Բ Ե Ց Զ Ձ Ա Ն

1923—Թիֆլիս

1

Զան,
 Աղբբեյջան,
 Ե՛յ,
 Զան,
 Իդիթ ես հիմի,
 Զահել,
 Վառել ես
 Բյուրամոմ ջահեր.
 Վառել ես
 Շող,
 Շեմս—արև:
 Զան,
 Աղբբեյջան,
 Ե՛յ,
 Զան,
 Սաբահ խելը,
 Սալամ,
 Բարեկ:
 Պարզել ես
 Բազուկը կուռ
 Դեպի
 Քերբելա,
 Մեքքա.

Բանդիւմ ես
Ալլահը ծեր.
Քանդիւմ ես
Մինարա,
Մզկիթ...

Դրել ես
Մի չխոռւս,
Ալլ—
Պողպատե
Սալի վրա,
Ծեծում ես
Մուրճովդ ամուր
Յեկ շինում
Անիվ,
Մոտու...

Խվիր իրանի դուան
Կունդ հուժկու և կուռ.
Քանդիր ամրոցները փակ,
Քանդիր լուսամուտ և դուռ...

❖ Թող Շահի—մահի յերկրում
Տարածվի բերկրում,
Ճնծում.
Թող վոլս ու ցասում ծփա
Իշխ—Փահլայի սրտում...

Զան,
Ազրբեյջան,
Ե՛յ,
Զան,
Զահակիր,
Զահել,
Զիվան,

Կանդնել ես
 Արեկ դիվան՝
 Կրծքաբաց,
 Ալ կապած,
 Պարթև:
 Նոր Արեկքին—Շարքին
 Վառում ես
 Ալ վառ հրդեհ.
 Հեղի ու մեղի հոգում
 Փռում ես
 Ասաղեր հրթե...

2

Զան,
 Ազրբեյջան,
 Ե՛յ,
 Զան,
 Թո ֆաթիմային սալամ,
 Վոր յերեսին ել քող չունի.
 Վոր շարիաթից ել դող չունի:
 Վոր յեթե ցանկա,
 Ուզի—
 Կհուզի սրտեր իգիթ:
 Վոր հիմա
 Զի՛ դնում
 Հինա
 Մազերին,
 Ձեռքին,
 Խելքին...

Թո Ֆաթիմային—սալամ:
 Թո Նաջիբային—սալամ:

Քո եմինեյին — սալամ:
 Սաբահ խելը,
 Սալամ,
 Ու սեր:

Իմ յերպը հարեմ՝ չունի, —
 Հարեմի գուռն ե քանդում,
 Ուր հաղար սրտեր կանաչ
 Խամրում են անող բանդում...

Իմ արե կրքում,
 Գրկում,
 Իմ կարմիր գրքում,
 Բաջի,
 Ցեռում ե սերը շեմսի
 Ցեվ կանչ ու պայքար քաջի...

3

Հեյ,
 Բաքնւ,
 Բաքնւ,
 Բաքնւ,
 Բաքնւ,
 Բաքնւ հորերը նավթի:
 Ի՞նչ,
 Սըր Քոքս կուզի զավթի,
 Բնքս խաղալ կուզի քեզ հետ...
 Հապա թող գործի,
 Փորձի,
 Վոր զգա ուժը բոքսիդ...

Հեյ,
 Բաքնւ,
 Բաքնւ,

Բարձրու,

Բա քու ֆանտանները դարկող,

Բա քու հորերը սարքող

Ռաբոչի—իշխի—բանվոր:

Այս փոր

Խոր հորերդ և փորում

Այս փոր

Խոր որերդ և բերում,

Բա ինչպես չասեմ նրան,

— Վար ոլ, եյ, յոլզաշ չասան:

— Բարե՛ քեզ, ընկեր Սաքու:

— Զգացրովո, տավարիշ իվան:

Զմն,

Ազրբեյջան,

Եյ,

Զմն,

Իգիթ ես հիմի,

Զահել:

Վառել ես

Բյուրամոմ չահել.

Վառել ես

Շող,

Շեմս—արե:

Զմն,

Ազրբեյջան,

Եյ,

Զմն,

Սաքահ ինյը,

Սալամ,

Բարե՛:

ՊՈԵՄ ԶԻՆԱԿԱՆ

1924—ԹԻՖԼԻՍ

L O S U S

Տայի՛ Ծինկ,
Մանդարին կառ Դիի՛ աղջիկ,
Լոտոս ես դու:

Լոտոսը—
Լուսաբացին ջրից բարձրանում,
Լվացվում եւ:

Կեսորին—
Լոտոսն արևի դեմ ժպտում,
Բացվում եւ:

Լոտոսը—
Իրիկվան թագնվում եւ ջրում,
Գոցվում եւ:

Լուսաբացին—
Լոտոսի պես բացվեցիր դու:

Իրիկվան—
Լոտոսի պես կը գոցվես լու:

Իսկ հւը եւ արեշող կեսորդ,
Տայի՛ Ծինկ:

Կինեմոնի և թևուկի անուշաբույր յուղերով
Ոծվում ես:

Զուր:

Չե վոր լոտոսի պես
Իրիկվան գոցվում ես:
Անուշաբույր յուղերը քեզ արև տվող չեն.
Նուրբ նազանքներդ յերկար տեսող չեն:
Չե վոր կեսոր չունես դու,
Տայի՛ Ծինկ,
Չին մանդարին կառ Դիլ աղջիկ:

Կեսորվա արևը վառ կրակ ե,--
Գրանիտ հողիները հուզում ե:
Բանվոր մարդն ուզում ե
Գրկի արևեծին կրքի աղջիկ...

Իսկ դաւ
Վախենել ես,
Արկից փախել ես,
Ե, Ե, Ե,
Չինմաշինի չինի չին աղջիկ:

Հայրդ
Հարուստ մանդարինն ե Պեկինի.
Ունի թե գինի,
Թե շարբաթ
Ու խորտիկ:
Զնզուն ստերլինգները—շատ:
Զնզուն վոսկիները դիզել ե
Հազար հեղ զոհերի զրկանքիցը.
Նրանց կյանքը կիզել ե:
Իսկ քեզ
Բյուրեղյա քյոշկումն ե պահում,
Տայի՛ Ծինկ,
Մանդարինի արևագնւրկ աղջիկ:

Քյոշկում
 Որերով որորվում ես որորով:
 Մեղկ փոված
 Յեղազում ես,
 Նուրբ ու մեղմ նազում ես:
 Պերսին ծաղկի հոտն ես քաշում
 Ու մաշում ես որորուն որերդ,
 Տայի Ծինկ,
 Մանդարին կառ Դիի մաշվնդ աղջիկ:

Վոսկիներն արեի տապը չունեն:
 Վոսկիները մաշում են մարդուն:
 Իսկ արեի շողերը մարդուն թրծում,
 Խաշում են:
 Մաշնւմ են,
 Մաշնւմ են,
 Բյուրեղյա քյոշկերը մարդուն...

Ե՛, Ե՛, Ե՛,
 Զինմաշինի չինի չին աղջիկ,
 Արեի դեմ մարմինդ վառե՞լ ես:
 Բընձի ձիգ արտերը վարե՞լ ես:
 Պայքարում խոր վերքեր առե՞լ ես:
 Հառե՞լ ես հայացքդ վաղվան վառ...

ԶԵ՞:

Ե՛,
 Զինմաշինի չինի չին աղջիկ,
 Դու մի լոտոս եյիր լուսաբացին:

Իրիկվան—
 Լոտոսի պես կը գոցվես լուս:

Իսկ կեսորդ
 Չի լինի,
 Չի լինի,
 Չի լինի,
 Չի,
 Ե,
 Չինմաշինի չինի չին աղջիկ։

ԿԵՍՈՐՎԱ ԱՐԵՎԸ

Գիշեր։
 Պեկինը գիշերում
 Ոպիումի որորանք ե։
 Պեկինը գիշերում
 Դեղին ուզունքով որորան ե։
 Պեկինը գիշերում
 Որորում ե քեֆ քաշող քյոշկերը։
 Որորում ե հոգնած կուլիի քունը։

Գիշեր։
 Խավարը խառնել ե Պեկինի քարտեզը։
 Տայի-Ծինկի պարտեզը
 Խաղաղ ե,
 Անձայն։

Յերկու ստվերներ անցան,
 Մաղկած ծառի տակ կանգ առին։

Ու խոսում են նրանք բարձր։

—Ծինե կա,
 Չինմաշինի չին չարքաշ աղջիկ,

Ծովի հորձանքների նման
Հուզվել ես դու...

— Ցղա Ցի,
Չինմաշինի չին չուզնւն մանչ,
Հորձանուտ ծովերի խորքումը
Առովիճել ես դու...

Մանչն ասաց.

— Ծինւ Կա,
Հրակ ես,
Ճաճանչող ճրագ ես,
Կրակ ես,
Արեի տապ դու:

Աղջիկն ասաց.

— Ցղա Ցի,
Քաղցր ես,
Խրոխտ ու բարձր ես,
Կարծր ես
Չուզունի չափ դու:

Լուսամուտիցը քյոշկի
Տայի Ծինկը լսում ե լարված.
Ասես, պինդ հարված տվին
Նրա սրտին վառված:
Խմնաղն եր իր սիրտը խայթող,
Եւ:

Տայի Ծինկ,
Հարուստ մանդարինի աղջիկ,
Պարտիզումդդ
Արեալառ յերկու սրտեր կան,
Մեկը՝ Ցղա Ցին ե,
Վարձու մակույկավարըդ:

Մեկը՝ Ծիռւ կան ե,
 Պարտիզանիդ աղջիկը:
 Տայի Ծինկ,
 ✓ Պարտիզումդ
 Արևավառ յերկու սրտեր կան.
 Իսկ վորքան ցըտեր կան
 Քո սրտումը...

Նրանք
 Եսոր
 ✓ Կեսորվա արևներ են արեկի դեմ:
 Կեսորվա արե են
 Զարթնող աշխարհի համար:

Ու նրանք
 Հազար են ու ելի, ելի,--
 Վոր կառուցել են քյոշկերը ձեր...
 Ու թե վրեժը նրանց կանչի—յելիր,
 Կը քանդեն ձեր աշխարհը ծեր...

Իսկ դու կեսոր չունես, չունես:
 Յերեկ ու եսոր չունես, չունես:
 Իրիկունդ շուտով կգա, կգա,
 Մանդարին կառ Դիի հյուծված աղջիկ:

Թ Ի Ա Վ Ա Ր Ը

Լուսաբաց:
 Պեկինը արեկի բաղնիքումն ե:
 Քյոշկերը վառվում են վոսկեշողով:
 Զիգ ու ծուռ փողոցներումը
 Աղմկում են կուլիները:

Տայի Ծինկը մակույկումն ե:
 Մակույկը—լճի վրա:
 Վարձու մակույկավար օգա օխն
 Թիավարում ե:
 Վարձու յե տվել
 Իր բազուկը զույզ,
 ✓ Վոր որվա մեջ
 Կես անդամ խաշած բրինձ ծամի:

Ե՝

Օգա Ցի,
 Հանդուղն թիավար,
 Ծփուն ծովերումն ել կողաս դու,
 Բազուկներդ կուռ են ու թափով:

Թե հորձանուտ ծովերում թիավարես դու,
 Տայի Ծինկը մակույկումդ նստողը չի՝—
 Նա հարուստ մանդարինի փիրուն աղջիկն ե.
 Հորձանքիցը սոսկսմ ե նա.
 Մարում ե նա փորձանքիցը...

Կրծքիդ տակ տայֆունն ե դղրդում,
 Ցասկոտ ծովերի կարոտն ե հուզում քեզ...

Ե՝

Օգա Ցի,
 Հանդուղն թիավար,
 Լճակը մի փոքր բաժակ ե,
 Ահա նրա հատակը,
 Կատակ են մակույկն ու լիճը:
 Ափից ափը մի թոփչք ե, կատակ ե:

Իսկ կրծքիդ տակը տաֆյունն ե դղրդում,—
 Արևելքի ցասումը,

Չինմաշինի
Չարքաշ չինների ազատության շառաչը...

Ե՛,
Ցպա Ցի,
Հիշմամ ես,
Նավաստի եյիր նավում շոգեվար:
Թոփչքդ ովկյանից ովկյանն եր.
Թերդ՝ աշխարհից աշխարհ,
Որերիդ գարունը նրանցն եր,
Վորոնիք քամում եյին
Չինմաշինի արյունը հորդ...

Ե՛,
Ցպա Ցի,
Հիշմամ ես,
Մի որ ել ծովափ նետեցին քեզ:
Հեզ ու համբ մարդ եր պետք նրանց:
Իսկ կրծքիդ տակը տայֆունն եր դղրդում...

Ու հիմի՝
Վարձու յես տվել բազուկներդ զույդ,
Վոր որվա մեջ
Կես անգամ խաշած բրինձ ծամես...

Ահա Տայի Ծինկը մակույկում նստած
Նայում ե աչքովն իր բորբ:
Վարձու Ցզա Ցին թիավարում ե:
Իսկ Տայի Ծինկը կրքից հեռում ու մարնում ե:
Հուզում ե նրան վարձու ստրուկը.
Աղջիկն ուզում ե
Չուզի նրան,
Սիրի,
Տիրի...

Քսաննինդ տարու արու յե իր սարուկը,
Իսկ ինքը—հասուն եղ,
Սեդ ու սիրուն տիրուհին նրա:

Վեր թռավ չար՝
Զինմաշինի չինի չին ձկուն աղջիկը.

—Ե՞,

Ցպա Ցի,
Իմ վարձու սարնել դու,
Այժմ ինձ վարձիր դու,
Իմ տերը դարձիր դու,
Գրկիւր ինձ,
Պրկիւր ինձ գրկումդ,
Կրկումդ հալվեմ թող,
Ե՞:

Տամ, Ցպա Ցի,
Ինչ վոր ուզես,—
Բյուրեղյա քյոշկս—քեզ.
Մարջաններս ու փերսողներս—քեզ.
Ցես ել լինեմ քեզ,
Կինեմ հեզ հարճի պես,
Ե՞:

—Տիրուհի՛,
Թևերս թնդ,
Թնդ,
Վոր թիավարեմ յես:

—Ե՞,
Ցպա Ցի,
Արկի արնւ մանչ,
Ի՞նչ,
Զինմաշինի չինի չին չքնաղ աղջիկը չեմ:

Գրկիր ինձ,
Գրկիր ինձ,
Ասա ինձ կեսն այն խոսքերի,
Վոր ասում եյիր
Պարտիզանիս աղջկան բորիկ:

—Տիրուհի,
Թևըս թռղ,
Թռղ,
Վոր թիավարեմ յես:

—Ե՞,
Ճպա ծի,
Ճըտիցը դողում եմ յես.
Սողում եմ ծնկերիդ մոտն ահա:
Գրկիր ինձ ջերմ գրկումդ.
Սըտումդ սեր չկմ վոր,
Ե՞:

—Տիրուհի,
Թևըս թռղ,
Թռղ,
Վոր թիավարեմ յես:

Պեկինում ջահել մանդարիններ չկմն վոր—
Ազնվացեղ,
Հարուստ,
Կըքոտ:

Նրանց քամել ես վոնց վոր կիտրոն.
Նրանց սերը սմռն ե հիմի:

Իսկ յես
Վարձու յեմ տվել բազուկներս միայն,
Վոր որվա մեջ
Կես անգամ խաշած բրինձ ծամեմ:

Տիրուհի,
Թևերս թնդ,
Թնդ,
Վոր թիավարեմ յես:

— Ցզա Ցի,
Թիյերդ կրծքիս վբա վարիր.
Մեջքիս շուրջը լարիր բազուկներդ:
Լճակդ լինեմ յես,
Ե՞

— Տիրուհի,
Թևերս թնդ,
Թնդ,
Վոր թիավարեմ յես:

Յես որվա մեջը կես ժամ եմ սիրում նրան:
Նա որվա մեջը կես ժամ ե սիրում ինձ:
Լուսաբացից մինչ արևմուտը
Մեր բազուկները վարձու յեն...

Լուսաբացից մինչ արևմուտը
Մեր սրտերն աշխարհի գալիքներին են.
Մարդկային փոթորկվող տլիքներին են.
Հողմերին ու աշխարհի չորս կողմերին են.
Մեր սրտերը ազատատենչ բյուր սրտերին են...

Տիրուհի,
Թևերս թնդ,
Թնդ,
Վոր թիավարեմ յես:

Դու քնքռւշ,
Աւժատ
Աւ շատ նուրբ ես:

Իսկ իմ հույզերը քանդող են:
 Անթով են քեզ իմ խուռն խոսքերը
 Ու ձեռներս—կոպիտ:
 Մարջաններդ—քեզ.
 Փերուզներդ—քեզ.

Նրանք հատիկ-հատիկ արցունքից են,
 Կաթիլ-կաթիլ արյուն են նրանք...

Իմ սերը մարջանին չի.
 Իմ սիրտը վոսկուն չի.
 Բյուրեղյա քյոշկին չի:
 Յես ծովի ու սովի սովոր մարդ եմ,
 Ինչիս մեռնող ու մաշված սերդ:
 Ե:

Տիրուհի,
 Թևերս թռի,
 Թռի,
 Վոր թիավարեմ յես:

L O S U S

Ոպիումը գերում ե մարմինոդ:
 Ոպիումը թմբիր ե բերում:
 Որորնում ե,
 Որորնում ե,
 Որորնում ե:
 Ծխիր,
 Ծխիր,
 Ծխիր:

Տայի Ծխնկը ծխում ե:
 Ծխում ու հաղում ե:

Մահճի փափուկ բարձերը գրկած՝
Կրպից գողում ե,
Սողում ե պորտի վըա:
Թունը չի դա,
Թունը չի դա,
Չե,
Թրանքումը լողում ե:
Ե:

Գիշերվա մթնումը՝
Մի եգ շուն
Նրա սրտումը վոհնում ե արտում։

Գիշերվա մթնումը՝
Մի եգ շուն
Փողոցում վոհնում ե արտում,
Մի հեգ շուն դռան մոտը քյոշկի...

Ե,
Տայի՛ Ծինկ,
Հողումդ ձմեռ ու ձյուն կա հիմի:
Մահվան թույլ հծծյուն կա հիմի:
Շան նման մեկը ներսդ վոհնում ե.
—Ա ու ու ու ու ու:
Ե:

Լսեցի՞ր:

Հիմի կյանքը թվում ե քեզ
Ջար ու չնշին.
Չինմաշինի չինի չին աղջիկ.
Հարուստ մանդարինների համբույրը
Թվում ե չնչին,
Չե:

Սպասես ել ինչի՞ն,
Տայի՛ Ծինկ,
Բյուրեղյա քյոշկի թմրող աղջիկ։

Տայի՛ Ծինկ,
Մանդարին կառ Դիի աղջիկ,
Մաղձոս ու թախծոս ես հիմի։

Ոպիհում ծխիր։
Քուն մտիր։
Թմրի՛ր դու։

Լուսաբացին—
Լոտոսի պես բացվեցի՛ր դու։

Լոտոսի պես գոցվում ես—
Իրիկունդ եւ։

Իսկ արեշող կեսորդ
Չեկավ,
Չեկավ։

Տայի՛ր Ծինկ,
Մանդարին կառ Դիի անարև ու պոռնիկ աղջիկ...։



Ա Ա Մ Ռ Ո Յ Ց

1925—ՄՈՍԿՎԱ.

1

Շանհայի փողոցում:
Ամառ:
Կեսոր:

Գործադուլ:
Ցույց ե:
Ցնցում:

Հնձում ե գնդացիրն եսոր
Բանվորին,
Գյուղացուն ըմբուտ...

Զարթնել ե կուլին չարքաշ՝
Բնիցը գերող ու խոր:
Չինմաշինը հուր ե հիմի.
Որերը—պայքար, ժխոր...

Չինը
Չնչին չի հիմի
Փշրվող ու նուրբ չինի չի:
Չինը
Չինը չի հիմի,
Բնաբեր ու մեղկ գինի չի...

Շանհայի փողոցումն եսոր
 Յեռում ե կյանքը բոցված:
 Մոնչում ե առյուծը հզոր,
 Միբար խոր ու խոր խոցված...

Շարժվում են շարքերը փողոցով:
 Ծով ե փողոցը յերթով:
 Փռվել են գրոշներն ալ հուր:
 Փողոցը թնդում ե յերգով...

— Թելքը,
 Ում կյանքը տանջանքով լի յե,
 Ով վոր կուլի յե—բանվոր,
 Մեքենավայր,
 Նավաստի,
 Դարրին,
 Հնձնդ,
 Առաջ,
 Առաջ,
 Առաջ:

2

Բանկերը լոնդոնի, Տոկիոյի՝
 Եսոր գնդակով են խոսում:
 Շանհայի փողոցումն եսոր
 Չինների արյունն ե հոսում...

Կանգնած հնդիկ զինվորներ հիսունմեկ՝
 Դեմ առ գեմ շարքերի անանց,
 Գնդակի յեն բռնում անխնա
 Մերերին,
 Փոքրերին,
 Կանանց...

Մի ջահել սպա սպիտակ,
Յեկած լոնդոնից հեռավոր,—
Հրաման ե տալիս կտրուկ.
— Կրակ, անդադար կրակ:

3

Մեկը հիսունմեկ զինվորից—
Ռամ Ռոյը՝ հսդիկ զինվոր,
Հրացանը ձեռքին բռնած,
Կանգնել ե մտածկոտ ու լուս:

Յեվ հենց այդ դաժան ժամին,
Թոչում ե Շանհայից հեռու
Խոհուն միտքը Ռամ Ռոյի,
Ռամ Ռոյի հոգին յեռուն:—

Հե հեյ,
Հեռավոր Հինդում,
Բիխուրի գավառում փոքրիկ՝
Հայրենի դյուղն ե յերեսում,—
Գյուղը աշխատող ու սոված:
Յեվ ահա
Գյուղի վերեսում,
Գանգեսի տփին կպած՝
Յեղեգնյա խրճիթը Ռամ Ռոյի,—
Տկոր Փաքիրի նման
Իր բաղդին
Կամ մահվան սպասող....

Ռամ Ռոյը տեսնում ե կարծես,
Կարծես տեսնում ե,—
Ահա
Զոր խորի վրա պառկած

Իր կիհուը
 Հյուծված ու հիվանդ:
 Յերկու մանչուկներ մատղաշ
 Նատել են հեվքոտ մոր կողքին.
 Յեվ ինչպի՞ս ուզեն,
 Ինչպի՞ս,
 Մայրիկից մի պատառ չոր հաց:

Ամեն առավոտ-իրիկուն՝
 Կարոտով,
 Կոկիծով մանկական
 Հիշում են իրանց հորը—Ռամ Ռոյին,
 Հիշում են,
 Կարոտում
 Ու լալիս:
 Ու հարց են տալիս անվերջ
 Մահամերձ և անճար մայրիկին.
 — Մայր,
 Ռուր ե,
 Ռուր ե հայրը մեր,
 Ինչի,
 Ել ինչի չի գալիս...

Եկ,
 Ռամ Ռոյը ինչպի՞ս չհիշի,—
 Թե քանի՞ միստեր ու սիր
 Հինդը շինել են մի խսիր,
 Ու նստած քեզ են քաշում...
 Յեսիր են Հինդը հիմի,
 Շղթայված,
 Իր կյանքն ե մաշում...

Եկ,
 Ռամ Ռոյը ինչպի՞ս չհիշի,—
 Թե քանի՞ քանի՞ անդամ

Դրել են գնդացիր մահաբեր
 Չալքաշ հին չինդի սրտին...
 Յեղ քանի՛ բանվոր դյուդացի
 Բնկել են գնդակիցը խոցող...
 Ու զեռ քանի՛ սը կընկնեն՝
 Սրաերը վրեժի բոցով...

Ուամ Ուոյ,
 Հեյ,
 Հնդի՛կ զինվոր,
 Տերդ անաշխատ,
 Դաժան՝
 Յերկրումդ քեզ գերեց.
 Քեզ Շանհայ բերեց,
 Ինչի՛,—
 Յերբ Զինի կանչը հնչի,
 Յերբ թնդա սիրտը Զինի,
 Զինի՛ քեզ,
 Դահիճ շինի
 Ու հրաման.
 — Առաջ,
 Կրակ...

Ուամ Ուոյ,
 Հեյ,
 Հնդի՛կ զինվոր,
 Բնչ,
 Կըակես դու պիտի,
 Կըակես չարքաշ չինների սրտին...

Զինմաշինը յերբեք չի ների
Սպանդն այդ դաժան և անգութ...

Զինմաշինը յերբեք չի ների
Դահճին դավադիր ու դաժան,
Վոր ըմբոստ, չարքաշ չինների
Արյունը թափեց փողոցում...

Գնդակները նորից են թռչուած
Ուղիղ՝
Անվրեալ:
Համազարկ:
Շարքերը անդեն,
Բայց պողպատ,
Վհատում չկա,
Չի լինի:

Ահա ուսանող մի ջահել՝
Փովել ե փոշումը, գետին.
Թերում ե հողը արնաներկ
Ու հեվում շնչովը հետին:

Ընկավ մի կուլի վերք առած,
Գլխիցը արյուն ե հոսում.
Հայացքը հեռուները հառած,
Ինչ վոր գառանցում ե, խոսուած:

Մի տաս տարեկան չին տղա,
Կիսամերկ, բորիկ, նուշ աչքով,
Սեղմած բռունցքները փոքրիկ,
Կանգնել ե բանվոր հոր կողքին:
Յեվ հանկարծ գնդակ մի բոցված՝
Ծակեց խոր կուրծքը չին տղի.
Ընկավ նա կրծքիցը խոցված,

Ճշչալով նվաղ.
— Ա՛խ, հայրին ի՞կ:

Գալարվեց սիրաը Ռամ Ռոյի:
Ու թվաց նրան, վոր իրավ,
իր մանկիկն եր նա հարազատ—
Ընկավ վիրավոր ու մեռավ:

Գալարվեց սիրաը Ռամ Ռոյի:
Հիշեց հայրենիքն իր Հինդ,—
Պինդ շղթաներով շղթայված:

Հիշեց մանկիկներն իր անտեր,
Վոր դուցե մեռել են քաղցից...

Յեվ կամ հենց գուցե այդ ժամին՝
Նրանք ել ընկան արնաքամ...

Գալարվեց սիրաը Ռամ Ռոյի:
Աչքիցը կայծեր ե հորդում:
Կարծես այն վոքրիկ չին տղան
Այնպես նման եր իր վորդուն...

Յեվ ահա սրտումը Ռամ Ռոյի
Ճշում ե սուր ձայն մի ճանոթ.
Կարծես իր մանկան ճիշն ե այն.
— Ա՛խ, հայրին ի՞կ, ամոթ քեզ, ամոթ...

Ռամ Ռոյը ցավիցը ցնցվեց:
Ինչ վոր մի բիբա ձեռք առնական
Պոկում ե իր սիրաը տեղից:
Յեվ հանկարծ թափով վճռական
Կանգնեց շարքերի գեմը սեղ.
Ու կանչեց բարձր, բարձրականչ.

— Հեյ,
 Հնդիկ զինվորներ,
 Ի՞նձ լսեք,
 Լսեք,
 Յեղայրներ իմ անգետ,
 Կանգ առեք,
 Ել մի կը ակեք
 Զեր յեղայրների վրա,
 Զեր փորդիների, քույրերի,
 Ու ձեր հայրերի վրա...
 Ահա կանգնել եմ յես անվախ,
 Կրծքաբաց կանգնել եմ ձեր առաջ.
 Յեվ յես կմեռնեմ անհառաչ, —
 Թե վոր գնդակները ձեր թեժ
 Խրվեն կրծքումս կարծրակուռ...
 Զե,
 Կրակողը չեմ յես յերբեք
 Չարքաշ չինների սրտին...
 Վրեժիցը մեր մահաբեր
 Դողա թող սպան մեր դաժան...
 Թող մեր գնդակներն անվրեալ
 Սուլեն,
 Յեվ թռչեն
 Ու խոցեն
 Կրծքերը մեր բիրտ տերերի...
 Զե,
 Կրակողը չեմ յես յերբեք
 Չարքաշ չինների վրա...

Եփոթ ե տիրել շարքերին:
 Հիսուն զինվորները հնդիկ՝
 Կանգնել են անշարժ ու մռայլ:

Հնչեց հրամանը սպայի.
 — Գնդակել, պատրանստ, կրակ:

Հիսուն զինվորները հնդիկ՝
Կանգնել են անշարժ ու մռայլ:

Հրամանը նորից ու նորից.
—Լսում եք, պատրաստ, կրակ:

Հիսուն զինվորները հնդիկ՝
Կանգնել են անշարժ ու մռայլ:

Դողում ե ձայնը սպայի.

—Հեյ,

Դուք,

Զինվորներ հնդկացի,

Հիշեցեք,

Հինգում հեռավոր

Զեռքումս պատանդ եք թողել

Զեր հայրերը ծեր ու վորդեք...

Լսում եք,

Կրկնում եմ,

Կրակ:

Պարզվեցին հրացանները հիսուն

Դեպի կուռ կուրծքը Ռամ Ռոյի:

Հրամանը համառ վորոտաց:

Ու հրացաններիցը հիսուն

Սուկեց զիւ

Միայն

Հինգ

Վնդակ:

Որորվեց Ռամ Ռոյը գունատ:

Մահամերձ փուլեց չոր գետնին:

Դեմքին գողում ե դառն ժպիտ:

Զեռքը պինդ սեղմած խոր վերքին,

Սողում ե առաջ ու առաջ
Դեպի շարքերը չինների:
Սողում ե,
Հեռու
Ու նորից:
Դողում ե,
Հեռու
Ու նորից:

Շարքերի մոտը չինների,
Փողոցի մեջտեղը ահա
Պառկել ե վոքրիկ չին տղան,—
Վոնց վոր մի ծաղիկ տրորված,
Ցեվ կյանքը սառել ե դեմքին:

Ցեվ ահա Ռամ Ռոյը հնդիկ
Գրկեց արնաքամ չին տղին,
Ինչպես իր վորդուն հարազատ.
Կարծես շնչում ե կամաց.
— Ցես ու գու ընկանք այս կովում,
Վոր Զինը լինի միշտ ազատ...

Ավելի հզոր ե հիմի
Թափը թնդացող շարքերի...
Բյուը սրտեր ձուլված են ի մի...
Լսում եք ձայնը զարկերի...
Ավելի խրոխտ ե հնչում
Հիմի կանչը գոռ չինների.
— Զինմաշինը յերբեք չի ների
Դահճին դավադիր ու դաժան,
Վոր քանի՛ չարքաշ չինների
Արյունը թափեց փողոցում...

Ավելի խրոխտ ե հնչում
Հիմի ուազմերգը չինների.

—Ցելէք,
 Ում կյանքը տանջանքով լի յե,
 Ով զոր կուղի՝ յե—բանվոր,
 Մեքենավար,
 Նավաստի՝
 Դարբին,
 Հնձնղ
 Առաջ,
 Առաջ,
 Առաջ...


Ինչպես հայր վորդի հարազատ,—
 Ում Ռոյը՝ զինվորը հնդիկ,
 Ու տաս տարեկան չին տղան՝
 Գրկել են իրար անբաժան:

•

ԲՈՎԱՆԴԱԿՈՒԹՅՈՒՆ

Անուն		Ցիկլ
1. ՆԱԽԵՐԴԻ	.	9
2. ԻՄ ՑԵՐՊԸ	.	15
3. ԱՍԱՄԲՈՒԼ	.	27
4. ԲՈՍՊԳԵՑ	.	29
5. ՀԱՐԵՄԻՑ ԴՈՒՐՍ	.	32
6. ԼԱՍՏԱՆԱՎՈՐԴՆԵՐ	.	35
7. ՄԱՎԸ	.	41
8. ԴՐԱԽՏ	.	47
9. ԴԵՐՎԻՇԸ	.	55
10. ՑԵՐԿՈՒ ՍԵՐ	.	61
11. ՈՒՂՏ	.	69
12. ԱՐԵՎԵԼՔԻ ՓՈՂՈՑՈՒՄ	.	75
13. ԱԶՐԻԵՑՑԱՆ	.	81
14. ՊԱԵՄ ԶԻՆԱԿԱՆ	.	89
15. Ո-ԱՄ Ո-ԱՑ	.	105





ԳԱԱ Հիմնարկ Գիտ. Օրույն.



FL0026165

~~ԳՐԱԴԱՐԱՆ~~ ԱՐԺԵՎԻ

ЦЕНА

13957

5/-

АЗАТ ВШТУНИ
„ВОСТОК В ОГНЕ“

(Стихи на армянском языке).

ИЗДАНИЕ

Северо-Кавказский Краевой Национального
Издательства — Крайнациздан,
г. Ростов н-Д., ул. Энгельса 57.